

## ЭРОНДА ШИАЛИКНИНГ ЁЙИЛИШ ТАРИХИ

М. Қодиров

ТДШУ “Шарқ фалсафаси ва маданияти” кафедрасининг доценти

### АННОТАЦИЯ

Мазкур илмий тадқиқот жараёнида шиаликнинг Эрон ҳудудига ёйилиши тарихи таҳлил қилиб ўтилди. И smoилий - мағлубияти ва Эронда улар давлатининг емирилиши халқ оммаси ўртасида шиаликнинг бошқа оқими бўлган-имомийлик (исно ашарий-ўн икки имом)нинг таъсири кучайишига олиб келди. Академик В.В. Бартольдинг холосасига кўра, шиалик у ёки бу кўринишда Эронда дехқонлар қўзғолонларининг мафкуравий қобиғи сифатида хизмат қиласди. XIV-XV асрларда Эрондаги халқ қўзғолонлари шиалик билан тасаввухнинг қўшилган ҳолатидаги диний шиор остида ривожландилар.<sup>1</sup>


Бу даврдаги халқ қўзғолонларининг сабаби мўғул босқинчиларининг оғир зулми ва феодалларнинг ер эгалигидан келиб чиқадиган солиқларнинг кўплиги эди. Мафкуравий жиҳатдан улар ҳукмрон суннийлик ва Чингизхоннинг “Улуг Ясо” (унинг остида яширинган табакавий – ярим қуллик тузуми ва Эрондаги мўғил илхонлари давлат тизимининг оғир (солиқлари) тизимга қарши қаратилган эдилар. Халқ ҳаракатларининг шиори ана шундан келиб чиқар эди: “бидатга” қарши (яни шариатда кўзда тутилмаган солиқларга қарши) курашиш, омма орасида кенг ёйилган гўёки, илк исломдаги ажойиб олижаноблик тасаввурларига қайтишини билдирап эди. Ана шунинг учун ҳам Шарқдаги мусулмон мамлакатларида давлат ва ҳуқуқнинг дин билан яқиндан алоқаси Гарбнинг христианлик мамлакатлардаги ҳолатидан кўра мустаҳкамроқ эди. Ҳар қандай ижтимоий гоя бу ерда диний шаклда берилар, гарчи у халқ ҳаракатларида иккинчи даражасали ўринда келса ҳам.

**Калит сўзлар:** Улуг Ясо, исно ашарий, Ҳамдаллаҳ, Нузҳат ал-қулуб, Рей, Ава, Кум, Ардистон, Ферахон ва Неҳовенд.

### АННОТАЦИЯ

В процессе данного научного исследования была проанализирована история распространения шиизма на территории Ирана. Поражение исмаилитов и распад их государства в Иране привели к усилению влияния другого течения шиизма - имамизма (исна ашари - двенадцать имамов) в народных массах. академик В.В. Бартольд приходит к выводу, что шиизм в

<sup>1</sup> Каранг: И.П.Петрушевский.Ислам в Иране в VII-XV веках (VII-XV асрлардаги Эрондаги Ислом).Изд.во Ленинградского университета .1966.стр.350



той или иной форме служит идеологической оболочкой крестьянских восстаний в Иране. В 14—15 вв. народные восстания в И. развивались под религиозным лозунгом слияния шиизма и суфизма.

Причиной народных восстаний в этот период был тяжелый гнет монгольских завоевателей и большие суммы налогов, вытекающих из феодального землевладения. Идеологически они были направлены против господствовавшего суннитского строя и «Великого Яса» Чингисхана (скрытого под ним сословно-полурабовладельческого строя и тяжелых (налогов) государственного строя монгольских ильханов в Иране). (против налогов не предусмотренное в шариате) означало возврат к идеалам великой знати раннего ислама, которые были широко распространены в массах. Вот почему в мусульманских странах Востока тесная связь государства и права с религией сильнее, чем в христианских странах Запада. Любая социальная идея дается в религиозной форме на земле, даже если она занимает второстепенное место в народных движениях.

**Ключевые слова:** Улуг Йасо, Исна Ашари, Хамдаллах, Нузхат ал-Кулуб, Рэй, Ава, Кум, Ардистон, Ферахан и Неховенд.

## КИРИШ

XVI асрнинг бошигача Эрон аҳолисининг кўпчилиги сунна мазҳабидаги мамлакат ҳисобланар эди. Ҳамдалааҳ Мустауфий Қазвиний ўзининг жуғрофияга доир асарида (1340 йиллар) хабар берилича, шиа-имомийлар Араб Шарқининг Куфа, Басра ва Хилла ноҳияларида, Ғарбий Эроннинг Рей, Ава, Қум, Ардистон, Ферахон ва Неховенд ноҳияларида кўпчиликни ташкил этар, Саво шаҳрида сунний-шоғийлар кўпчилик бўлсалар, унинг қишлоқ ноҳияларида шиа-имомийлар кўпчилик эдилар, Кошонда шиа-имомийлар шаҳарда кўпчилик бўлсалар, суннийлар қишлоқ ноҳияларида тўпланган эдилар. Гургоннинг кўпчилик аҳолиси шиа эдилар.<sup>2</sup> Мозандарон ва Гилон аҳолисининг мазҳаби ҳақида Ҳамдаллаҳ хабар бермайди, аммо биз бошқа манбалардан биламизки, у ерларда аҳолининг асосий оммаси (аслзодалар ва шаҳарликлардан бир қисмидан ташқари) шиалар(имомийлар) эдилар.<sup>3</sup>

<sup>2</sup> Қазвини, Нузхат ал-кулуб, стр. 31, 38, 40, 45, 60, 67, 68, 69, 74 (форс тилида)

<sup>3</sup> Қаранг: Маръаши, Захир ад-Дин-Sehir eddin's Geschichte von Tabaristan..., hrsg.von B.Dorn.SPh., 1850 (пер.текст), стр.340, 346

Хурросоннинг фақат битта ноҳиясида, яъни бош шахри Сабзавор шахри бўлган Бейҳақдагина шиа-имомийлар кўпчилигини Ҳамдаллаҳ Қазвиний айтиб ўтади.<sup>4</sup> Бошқа вилоятларда эса, суннийлар кўпчиликни ташкил этар эдилар.

Шундай қилиб, ҳеч бўлмагандан расмий жиҳатдан XVI асрнинг бошларигача Эрон аҳолисининг кўпчилиги сунна мазҳабидагилар ҳисобланар эдилар. Феодал-ер эгалари ва шаҳарлар аҳолисининг кўпчилиги суннийлар бўлиб, бунда Ғарбий Эрондагилар суннийликнинг шофий мазҳабига мансуб эдилар. Ҳамдаллаҳ Қазвинийнинг ёзишига кўра, сунний шофийлар қуидаги шаҳарларда кўпчиликни ташкил этар эдилар: Исфаҳон, Қазвин, Абҳар, Зенжон, Маздакона, Широз, Жаробадаконс, Язд, Табриз, Ардабил, Пишкин Ахар, Нахчавон. Ҳамдаллаҳ Хурросоннинг унча кўп бўлмаган шаҳарлардагина, яъни Ҳирот, Хафа ва Жувайнда сунний мазҳабидагилар ҳақида эслатиб ўтади. Аммо бошқа манбалардан маълумки, Хурросонда кўпчилик аҳоли сунний бўлиб, ҳанафия мазҳабига мансуб эдилар.

Мозандарон ва Гилон якка ҳокимларидан ташқари, Эрондаги барча давлат қурилмаларида суннийлик расмий мазҳаб эди.<sup>5</sup>

Аммо айни бир вақтда мўғул босқинчилари ва йирик ер эгалари зулмига қарши қаратилган халқ ҳаракатларида мафқуравий асос бўлиб шиалик хизмат қилар эди. Агар XIV-XV асрлардаги бутун Эронга нисбатан оладиган бўлсак, шиалар аҳолининг озчилигини ташкил этган бўлсалар ҳам, ҳар ҳолда бу озчилик салмоқли бўлиб, дехқонлар ва шаҳар қуий табақаларининг хайриҳоҳлигидан фойдаланар эди.

## МУҲОКАМА ВА НАТИЖАЛАР

Мўғуллар давлатининг Хулагуҳон асос солган илхонлар хукмронлиги таназзулидан кейин (1335 й.) Эроннинг ички аҳволи жуда мураккаб эди. Иқтисодий таназзул, оғир солиқлар ва молия маъмурларнинг ғайри қонуний хатти-ҳаракатлари, феодал гуруҳларнинг ўзаро урушлари қишлоқларни хонавайрон қилган эди. Айниқса мўғул шаҳзодаларидан бўлган Ясавурнинг феодалларча исёни (1317-1319 йй.) даврида бўлган Хурросоннинг таланиши аҳволни жуда мушкуллаштирган эди. Тарихчи Хофизу Абронинг ёзишича, ўша даврда “хар бир бурчакда қандайдир мутағаллиб (босқинчи) одамларга

<sup>4</sup> Қазвини, Нузҳат ал-Кулуб, стр.150

<sup>5</sup> Каранг: Н.Д.Миклухо-Маклай.Шиизм и его социальное лицо в Иране на рубеже XV-XVI вв.( XV-XVI асрларда Эрондаги шиалик ва унинг ижтимоий киёфаси)

тўсқинлик ва ўзбошимчалик қиласар эди.”<sup>6</sup> Охирги мўғул илхони Тугай Темирхон (1336-1353 йй.) Гургонда ҳокимиятда эди, аммо унинг ҳокимияти номигагина эди.

1337 йилда Хурасонда бошланган қўзғолондан бошлиб, халқ чиқишиларининг бутун бир туркуми бошландики, улар Эроннигина эмас, балки XIV-XV асрларда унга қўшни бўлган мамлакатларга ҳам ёйилди. Бу қўзғолонларда дехқонлар билан биргаликда хунармандлар ва шаҳарлик қўйи табақалар, ҳамда қочоқ қуллар ҳам иштирок этдилар. Сарбадорларнинг ҳаракатлари (сарбадор-“боши дорда, жонидан тўйган, очик курашчи”) ҳам худди шундай бўлиб, 1337-1381 йилларда Хурасонда, 1365-1366 йилларда Самарқанд худудида, 1373 йили Кермонда, 1350-1360 йилларда Мозандаронда, 1370 йили ва ундан кейинги йилларда Гilonда бўлиб ўтди. Сабзавордаги 1405 йилдаги ва Мозандарондаги 1406 йилдаги қўзғолонлар муддатли бўлиб, XV асрнинг биринчи ўн йилликларида рўй берган хуруфийлар ҳаракати Хурасондан тортиб Усмонли турклар империясигача бўлган кенг ҳудудларни қамраб олган эди. Туркияда 1416 йилда Мавлавий шайхларидан бўлган Бадридин Симовий ва Берк Мустафо бошчиликларида ва Хузистонда 1441 йилларда “Маҳдийнинг ўтмишдоши” Мушаъша бошчилигидаги қўзғолонлар ҳам шулар жумласидан эди. Деярли барча ушбу қўзғолонларнинг умумий мафкураси шиаликнинг турли мазҳаблари билан тасаввуфнинг қўшилиши бўлганлигидан унда дарвишларнинг иштироки салмоқли эди.

Хурасондаги сарбадорлар ҳаракатининг тарихий аҳамияти катта эди. Ҳаракатнинг мафкурасиси сифатида мозандаронлик алоҳида дарвишлик тариқатининг асосчиси Шайх Халифа майдонга чиқди. Ёшлигига у қўплаб дарвишлик шайхларининг шогирди бўлиб, улардан ўзини қийнаган саволларга жавоб топа олмагач, уларни тарк этган эди. Кейин у ўзини шайх деб эълон қилди. Байҳақ ноҳиясининг Сабзавор шаҳрига келиб, Жоме масжидининг ҳужралардан бирига жойлашиб, Халифа ўзининг таълимотинин тарғиб қила бошлади. Унинг таълимотини моҳиятини унга қарши бўлган манбалар тафсир қилмайди. Аммо шу нарса маълумки, сунна масхабидаги Сабзавор фақиҳлари Халифани “дунёвий ғояларни” тарғиб қилгани учун (“хадиси дунё, сухани дунё”) айблаб, уни шариатга зид деб топишган. Унинг ташвиқоти катта муваффақият қозониб, Сабзавор аҳолисининг кўпчилиги унинг муридларига айландилар. Фақиҳлар бу “зиндик”ни айбдор ҳисоблаб, уни ўлимга сазавор,

<sup>6</sup> Хофизи Абрў Жуғрофияга доир қўлёзма.ин.5361(сарлавҳасиз)Шарқшунослик институти қўлёзмалар фонди, л.394 б.

деган фатво чиқарадилар. У сунна фақиҳлари томонидан юборилган қотилларнинг қурбони бўлди. Халифанинг шогирдлари бўлган мадраса талабалари бир куни унинг ваъзларини эшитгани келсалар, унинг мадраса устунларининг бирида осилиб ётганлигини кўрдилар (736 ҳижрий йилнинг 22 раби ал-аввали-1335 йилнинг 9 ноябри).

Халифанинг шогирдлари орасида Жур қишлоғининг дехқонларидан бўлган Ҳасан Журий алоҳида ажралиб турар эди. У мадрасани муваффақиятли тамомлаб, муддарис даражасига эришган эди.Халифаликнинг ваъзлари таъсирида дарс бериш ва расмий суннийликдан воз кечган эди. Ўз устозининг фожиали ўлимидан сўнг Ҳасан журий ўзини шайх деб эълон қилиб, янги тариқатга бош бўлди. У Нишопурга бориб, катта мувафақият билан тарғибот ишларини олиб борди. Унинг мудирларининг кўпчилиги хунармандлар (соҳиби хирфа) бўлиб, ўзи ҳам тириклигини ҳунари (касби) орқали қиласар эди.Тариқатга кирувчи ҳар бир мурид қуролни тайёр тутиб туришга қасамёд қиласар эди.”Унинг чақириғига кимда ким эргашса, у уларнинг исмини ёзиб олар эди.Ва у айтар эди: ҳозир яширинча юриш замони.У даъват қиласар эдики, замони етиб келиб, шайхнинг кўрсатмаси келиб етсагина, тайёрлаб қўйилган қурол билан жангга ҳозир турмоқ лозим”.<sup>7</sup>

Шу ердан маълум бўладики, Ҳасан Журий (шубҳасиз, унинг устози шайх Халифа каби) тасаввуф ва шиалик қобиғи остида мавжуд тузимга қарши исён қилишни назарда тутиб, тариқатнинг ҳам бош вазифаси сифатида қўзғолонга тайёргарлик қўришни мақсад қилиб қўйган.Шундай тахмин қилиш мумкинки, бу икки шайх ҳақиқий сўфий бўлмаганлар ва фақат дарвешлик тарқитидан ташкилот сифатида фойдаланиб, уни ташқи ташвиқот шаклида қўзғолонга тайёрланганлар.Тариқат Ҳасания (Ҳасан Журий исмидан) номини олиб, кейинчалик таълимот таркиби “маънавий ворислик занжири” бўйича шайх Боязид Бистомий орқали шиаликнинг олтинчи имоми Жаъфар ас-Содикқа бориб тақалган.Уч йил давомида Ҳасан Журий Нишопурда ва Ҳурсоннинг Машҳад, Абивард, Хабушан, Балх, Ҳирот, Хаваф шаҳарларида ташвиқот юритди. Термиз, Кўхистон, Форс Ироқида бўлди, кейин Ҳурсонга қайтди, баъзи вақтларда форларда яшади. Ҳурсондаги мўғул ҳарбий-кўчманчилари аслзодаларнинг бошлиғи амир Аргуншоҳ буйруғига мувофиқ Машҳаддан Кўхистонга кетаётган Ҳасан Журий 60-70 кишилик шогирдлари гурухи билан биргаликда қўлга олинди ва Языр ноҳиясидаги Так қалъасига қамалди.

<sup>7</sup> Хоғизи Абрў, тарихий асар, кўлёзма, л.474 а

Бундан анча олдин дехқонлар қўзголони Байҳақ ноҳиясининг Баштин қишлоғида келиб чиққан эди. Бир ривоятга қараганда, у ерга мўғил чопари (элчи) келиб, икки ака ука дехқонлар уйидага турган. У уй эгаларидан аввал вино келтиришни, кейин хотинларини олиб келишни буорган. Жаҳли чиққан ака-укалар уни ўлдиришган. Хуросоннинг илхон-вазири Алоуддин Муҳаммад Ҳиндуда Баштин ахолисидан қотилларни тутиб беришини талаб қилган, кейин ҳарбий даста юборган. Бунга қарши турган қишлоқ ахолиси қўзголон кўтарган ва уларни енгиб дастани ҳайдаган. Шу вақтда Баштинга қайтган Ҳусайний Саййидларидан бўлган маҳаллий ер эгасининг ўғли Абдураззок, бўлган воқеаларни эшишиб, кескин равишда дехқонлар томонига ўтган. Ўзларини пахлавон Рустамдан ҳеч кам деб билмаган бир гуруҳ жасур ёшлар қуролланиб, Абдураззокни ўзларига бошлиқ қилиб сайдилар. Дехқонлар кенгашида шундай қарорга келишди: Ҳукмронликка эришган кишилар кўплаб зулм ўтказмоқдалар. Агар яратган эгам бизга ёрдам ато этса, биз зулмни бартараф этиб, золимларни улоқтирамиз, агар шундай бўлмаса, унда бизнинг бошларимиз дорда осиқлик бўлсин (сарбадор), аммо зўрлик ва эзишга биз бундан кейин ортиқча тоқат қилмаймиз”<sup>8</sup>

Бу ерда сарбадорлар сўзининг нима учун келиб чиққанлиги баён қилинган. Манбаларга кўра, Баштингдаги қўзғолон 737 йилнинг 12 шаъбон ойидаги, яъни 1337 йилнинг 16 марта бошланган. Кўпчилик дехқонлар шайх Ҳасан Журийнинг муридлари эдилар. Демак, улар инқилобга анчадан бери тайёргарлик кўрган эдилар. Уларнинг ҳарбий кучлари кундан-кунга ошиб борди. Улар тез вақт ичидаги мустаҳкам Сабзавор шаҳрини 1337 йилнинг августида эгалладилар, ундан кейин қўшни шаҳарлар бўлган Жувайн, Исфароин ва бошқа жойларни қўлга киритдилар. Абдураззок амир деб атала бошлади, у танга зарб қила бошлади, ўз номини хутбага солиб ўқита бошлади. Шундай қилиб, 1337 йилдан 1381 йилгача мавжуд бўлган сарбадорлар давлатига асос солинди.

Қўзғолонда кичик ер эгалари бўлган Эрон феодаллари ҳам қатнашдиларки, уларнинг мақсади факат мўғил ва турк кўчманчи истилочиларини ҳокимиятдан четлатиш эди. Сарбадорлар давлатида ҳамма вақт ушбу мўътадил оқим билан дарвешлик тариқатининг Ҳасан Журий бошчилигидаги сўл оқими ўртасида кураш кетди. Ҳасан Журий 1339 йилда ўз қамалган қалъасидан сарбадорлар томонидан озод қилиниб, Сабзаворга келган эди. Мўътадил оқим

<sup>8</sup> Хофизи Абрў, тарихий асар, кўлёзма, л.474 а.

тарафдорларигина сарбадорлар деб аталар эдилар. Шайхиёнлар ижтимоий ва мулкий тенглика интилар эдилар.

Бу оқимлар ўртасидаги кураш кўп ҳолларда давлат тўнтаришлари ва ҳокимларнинг алмашинишида ўз ифодасини топар эди. 44 йил ичидаги 12 та ҳукмдор алмашди. Гарчи кўпинча ҳукмдорлар кичик ер эгаларидан чиққан бўлсалар ҳам хунармандлар ва дехқонлар томонидан бўладиган тазийқ остида салмоқли даражада уларга ён беришга мажбур эдилар. Масалан, сарбадорлар давлатида дехқонлар ҳосилнинг ўндан уч қисминигина берар, ва бундан ортиқ улардан “бир динор” ҳам талаб қилинмас эди. Ҳукмдорлар, унинг мансабдорлари, ҳарбий бошлиқлар туянинг жунидан тўқилган бир хил оддий кийим кияр эдилар. Ҳар куни ҳукмдор уйида умумий зиёфат ташкил этилар, унда “бой ҳам, камбағал ҳам” иштирок этар эди. Қўшин(халқ лашкари) таркиби дехқонлар ва кичик эр эгаларидан ташкил топган эди. Манбаларда кичик ер эгаларини “сарбадор хослари (бузургони сарбадор)”, деб берилади. Халқ лашкарлари рўйхатида аввал 12 минг, кейин 18 минг, кейинчалик эса 22 минг киши бор эди. Уларнинг ҳаммаси давлат хазинасидан маош олар эдилар. Сарбадорлар жангчилари фавқулодда жасурликлари билан шухрат топган эдилар. Бир шоирнинг гапига қараганда “сарбадорлар найзаси қўрқинчидан бирорта ҳам турк<sup>9</sup> Эронда ўз чодирини тикмас эди.”

1339 йилга яқин сарбадорлар қўшни уч марта муғул-турк ҳарбий- феодал асилзодалари қўшнини тор-мор этиб, улар ҳукмронлигидан катта шаҳар Нишопурни озод қилдилар. Энди сарбадорлар давлати Ғарбдан Шарққа қараб, Дамғондан Жомгача (500 км), шимолдан жанубга Хабашондан Туршизгача (200км) бўлган ҳудудларни эгаллаган эдилар. Уларнинг иккинчи ҳукмдори Важихиддин Маъсуд (1338-1344 йиллар) “ислом султони, етти иқлимнинг шаҳаншоҳи” лақабини қабул қилди.

Охирги муғул илхони Туғай Темурхон ўз ўрдаси билан Гургонда кўчиб юриб, бир неча марта улар томонидан хужумга учраганидан кейин, гўё тинчлик шартномасини имзолаш мақсадида сарбадорлар бошлиқларини ўз ўрдасига чақирди. Мақсади уларни ичириб, зиёфат охирида қўлга олиш эди. Сарбадорлар ҳукмдори Яҳё Керабий лашкарбоши Хофиз Шағоний ва 300 сарбадорлар билан (бошқа манбаларда 1000 киши) урдуга келди. Илхоннинг мақсадини сезган сарбадорлар ундан олдин бу ишга кўл урушга қарор қиласидилар. Ўрдадаги Илхоннинг мақсади катта чодирида бўлган зиёфатда шароб қуйилган қадаҳларни тортишаётган пайтда Яҳё Керабий қўлини бошига

<sup>9</sup> Турк деб ўша вактда мўғил ва турк кўчманчилари назарда тутилар эдилар.

қўйди. Бу шартли белгини кўрган Ҳофиз Шагоний оёқ кийими ичидан пичоқ чиқариб, илхонни бошидан ярадор қилади, Яҳё Керабий эса тезда уни ойболта билан чопиб ўлдиради. Сарбадорлар туйқусидан қолган мўғулларга ташланиб, уларнинг бир қисмини қириб ташлайдилар, қолганлари ваҳима билан қочадилар.“Кўз очиб юмгунча, деб ёзади Ҳофизи Абру,-подишоҳ ўрдаси тор-мор этиладики, ундан из ҳам қолмади.”<sup>10</sup>

Сарбадорлар ўз давлатларига Шарқ томонда бўлган Тус ва Машҳадни, ғарб томонда бўлган Гургон ва Кумисни қўшиб олдилар.

Сарбадорлар катта суғориш ишларини олиб бориб, Тус ва Машҳадда канал-коризларни тикладилар. Ҳофизи Абрў сарбадорлар хукмронлиги даврида Байҳақ ноҳиясининг гуллаб-яшнагани, Сабзаворнинг Эроннинг энг катта шаҳарларидан бирига айланганлигини ёзади.<sup>11</sup>

Сарбадорлар давлатида шиа-имомий таълимоти жорий этилиб, хутбада 12 та имомнинг исмлари қайд этиладиган бўлди. Бу давлат дехқонлар демократиясига асосланган эмас эди. Бу кичик ер эгаларининг давлати бўлиб, аммо-лекин, дехқонларга салмоқли даражада ён боссагина яшаб қолиши мумкин эди. Мўътадил оқим вакилларидан иборат бўлган сарбадорларнинг раҳбарлари анъанавий ислом салтанати шаклидан, яъни шиа давлатига асосланган моҳиятдан нусха олган эдилар. Сарбадорларнинг охирги хукмдори сўл оқим тарафдорларини тор-мор қилиб, уларнинг раҳнамоси бўлган дарвеш Азизни етмишта муҳлислари билан бирга ўлдириб, Ҳасанийа тариқатини тақиқлади. Сарбадорлар давлати агар ўз хукмронлигини давом эттиrsa, эҳтимолдан ҳоли эмаски, оддий феодал шоҳлигига айланиб қолиши мумкин эди.

Худди шунга ўҳшаш ҳаракат 1350-йилда Мозандаронда бошланди. Ашшадий шиа имомлиги мазҳабининг тарафдори бўлган Сайид Қавомиддин Маръаши бу ерга келган эди. У Ҳасан Журий ҳалокатидан кейин ҳасанийа тариқатининг шайхи бўлган эди.<sup>12</sup>

“Сори ва Мазандарон аҳолиси, - деб ёзади Давлатшоҳ, -унинг муридлари бўлган эдилар”.

Шундай қилиб, XIV-XV асрлар давомида бўлиб ўтган халқ ҳаракатларининг умумий мафкураси сифатида шиалик майдонга чиқди. Шуни қайд этиш лозимки, шундай ҳаракатлар таъсирида Эронда шиалик мазҳаби

<sup>10</sup> Ҳофизи Абрў, тарихий асар, кўллўзма, л.480 а.

<sup>11</sup> Қаранг: Ҳофизи Абрў, географияга доир асарлар, кўллўзма, л.242б.

<sup>12</sup> Қаранг: Пишвойи дарвешон Ҳасанийа (Давлатшоҳ Самарқандий, 282-бет )Шайх Ҳасан Журий 1342-йилда Зове яқинидаги жангда Хирот малики қўшинлари томонидан ҳалок бўлган эди.

кучая бошлади. Халқ ҳаракатларига хос бўлган умумий ҳусусият-ижтимоий ва мулкий тенглика интилиш эди.

1365-1366 йилларда Самарқандда Темур томонидан бостирилган қўзғолон бўлиб ўтди, 1373 йилда эса, шундай қўзғолон Керманда бўлиб ўтди. Атрофдаги аксарият иқтидорлар ва фақиҳлар қатл этилди ёки зинданларга солинди, уларнинг ер ва мол-мулклари мусодара қилинди. Ушбу қўзғолон Музаффарийлардан бўлган Шоҳ Шужо қўшинлари томонидан Кермон туққиз ой қамал қилингандан кейин бостирилди. 1381 йилда Темур қўшинлари Сабзаворни эгаллаб, Сарбадорлар давлатига барҳам бердилар. Аммо, 1383 йили сарбадорларнинг яна қўзғолони бўлиб ўтди, у ҳам бостирилди. 1392 йили Мозандарондаги саййидлар давлатининг тақдири ҳам шундай бўлди. Темур вафотидан кейин Сабзаворда сарбадорларнинг янги қўзғолони бўлиб ўтди, уни Шоҳрух қийинчилик билан бостириди. 1406 йилда янги қўзғолон натижасида Мозандарондаги саййидлар давлати яна тикланди. Мозандарон ва Гilonдаги саййидларнинг шиачиликка асосланган давлатлари XV асрда одатдаги кичик феодал давлатларга айландилар.

XV асрда Темурийлар тасарруфида бўлган Эронда сўл шиаларнинг (ғолия, ғулот) фаолияти жонланди ва уларнинг янги мазҳаблари пайдо бўлди. Айниқса хуруфий мазҳаби фаол бўлиб, уларнинг ташвиқоти Темурийларга қарши қаратилган эди. Улар томонидан 1427 йилда Ҳиротда Шоҳрух султонга суиқасд уюштирилди.

1441-1442 йилларда Хузистонда халқ қўзғолони бўлиб ўтди. Унинг раҳнамоси Мушъаша лақабига эга бўлган (“нурли”, “порловчи”) Сайид Муҳаммад эди. У ашаддий шиа бўлиб, “яширинган” имом Маҳдийнинг “пишрави, яъни унинг тезда “қайтишидан” хабар берувчи деб эълон қилинди. Тарихчи Жаъфарийнинг айтишига қўра, унинг байроғи остида 10 мингга яқин (жоҳиллар, айёрлар ва ўғрилар” йифилдилар-феодал тарихчилари шундай таърифларни келтириб, шаҳарлик қуи табақадан ва қишлоқлардан чиққан исёнчиларни айтар эдилар) қўзғолончилар йиғилиб, Хувейза ва Шуштер орасидаги жойларни эгалладилар. Улар маҳаллий феодал сулоласи бўлган Сахро ибн Улйонни ҳокимиятдан йиқитиб, аслзодалар ва феодал руҳонийлар (сунна шайхлари ва саййидлар)ни қириб ташладилар. Жаъфарий Мушъаша мухлисларини ашаддий сўл шиалар (ғолия), фидоиён (форсча-араб, фидоиёнфидоийнинг кўплиги бўлиб, ўз иши учун ўзини кўнгилли равишда фидо қилишга ҳозир бўлганлар)ҳамда “файласуфлар ва исмоийлилар”, деб атайди. Қўзғолон мулкларни талон-тарож қилиш билан биргаликда олиб

борилди, яъни ўлдирилган бой-бадавлат кишиларнирнг ерлари, уйлари ва мол-мулкларини қўзғолончилар ўртасида тақсимлаш фаолияти билан қўшиб олиб борилди.

Халқ оммасининг Хузистондаги қўзғолони қўшни вилоятлар феодалларида қўрқинч туғдирди. Қўзғолонга қарши Шероз шайх ул исломи Носириддин Жазарий Форс феодал лашкарларига бошчилик қилди. Жаъфарийнинг сўзларига қараганда “икки қўшин бир-бирига тўқнашган вақтда кескин жанг бўлиб ўтди. Мушъаша қўшинлари фидоийлардан иборат бўлгани учун улар жасурлик наъмуналарини кўрсатдилар ва Шероз қўшини улар олдида қочишга юз тутдилар.” Мушъаша Хувейза шаҳрини қамал қилди. Маҳаллий асилзодалар ёрдам сўраб Озарбайжон, Арманистон ва Араб Ироқини қўлга киритган Қора Куюнлилар сулоласининг шаҳзодаси туркман Исфандга мурожаат қилдилар. У қўшин билан келиб, қонли жангда ғалаба қозонди ва уларни тор-мор этиб, Хувейза ва унинг минтақаларини талон-тарож этдики, натижада мамлакат очлик ёқасида қолди. Қўзғолончилар Хувейза минтақасида сарбадорлар хилидаги унча катта бўлмаган шиа давлатини ўрнатишга муваффақ бўлдилар. Бу давлат кейинчалик оддий феодал давлатга айланди.

XIV-XV асрларда Эронда бўлиб ўтган халқ қўзғолонларининг ижтимоий дастури ҳамма учун бир хил кийим, умумий овкатланиш ва кийим бош ва озиқ-овқатларни тенг тақсимлашга уриниш эди. Шаҳар камбағаллари ва ерсиз дехқонларни орзуларини акс эттирувчи бундай ижтимоий дастур афтидан тўрт ғоявий манбадан ташкил топган бўлиши мумкин: 1). V-VI асрлардаги маздакийликнинг ижтимоий ғояларидан ва VIII-IX асрлардаги уларнинг давомчилари бўлган ҳуррамий дастуридан бўлса керакки, уларнинг муҳлислари XIV асрда Эронда сақланиб қолган эдилар;

- 2). Қарматийларнинг хаёлий ижтимоий орзуларидан;
- 3). Шиаларнинг Имом Маҳдийнинг “қайта келиши” ҳақидаги орзулариданки, у келганда ер юзида тенглик ва адолат салтанати ўрнатилади, деган тушунчадан;
- 4). Суфийликдаги бойлик ва зебу-зийнатли, ҳашаматли ҳаётдан воз кечиб, камбағалчиликни улуғлаб, тарки дунёчиликка юз тутиш ташвиқотидан.

Эрондаги шиалик ҳаракатлари ичida сиёсий оқибатларига кўра, энг муҳими ва тарихий аҳамиятлиси сафавий-қизил бош ҳаракати бўлди. Сафавийлар уруғидан бўлган насл-насаби шайхлар бошида турган сафавийлик-дарвишлик тариқати Сафавийлар сулоласидан чиққан шайх Сайфиддин Исҳоқ Ардабилийга (1252-1334 йиллар) бориб тақалади. Сафавий

сулоласининг номи мўғуллар хукмронлиги даврида таркиб топган тариқат бўлиб, шайх Сайфиддиннинг устози ва қайнатаси шайх Тожиддин Зоҳид Гилоний (ваф.1300 й.) томонидан асос солинган.

Сафавийлар сулоласи 1502 йилда Эрон шаҳоншоҳлиги тахтига ўтирганда ўзига саййидлик, яъни арабча келиб чиқиши даъво қила бошлади. Гёё аниқ насаб ҳақида гапира бошладики, унга мувофиқ Сайфиддин шиаларнинг еттинчи имоми бўлган Мусо Козимдан келиб чиққан бўлиб, унинг 21-авлоди эмиш. Ҳозир исбот этилганки, бу афсона XV асрнинг ўрталарида келиб чиққан. Яқинда Эрон тадқиқотчиси Аҳмад Кесравий шундай тахминни айтган ва тарихчи Заки Валидий Тўғон уни тасдиқладики, Сафавийлар уруғи курдлардан келиб чиққан. Нима бўлганда ҳам Озарбайжоннинг Ардабил шаҳрида яшаётган Сафавийлар турклашдилар ва XV асрнинг иккинчи ярмида уларнинг она тили озарбайжонча эди. Шоҳ Исмоил Хатоий лақаби билан озарбайжонча шеърлар ёзар эди.

Эҳтимол, авваллари дарвешлик мухитида шаклланган Сафавийа тариқати халқ ҳаракатлари билан боғлиқ бўлган бўлса керак. Шу нарса маълумки, муғул илҳони Арғунхон хукмронлиги даврида (1284-1291 йй.) яшаган Ширвоншоҳ Аҳсатан II Шайх Зоҳид Гилонийни унинг райониятларини ер ишларидан безишга даъват қилгани учун айблаб, уни Муғондаги хонақоҳини бузиб, муридларини эса сувга чўқтириб юбориш билан қўрқитган. Шайх Сафавиддин шайх Зоҳиднинг ўрнига тариқатга бошлиқ бўлганда унинг ҳаёт йўлини ёритувчи асар бўлган “Сафват ас-Сафо”да айтилишича, Ардабил, Халхол, Пишкин, Муғон, Тальш, Мароға ва бошқа жойларда дехқонлардан бўлган унинг муридлари қўп бўлган.

Ўша манба унинг муридлари қаторига қўплаб ҳунармандлар ва савдогарлар борлигини, масалан рўмол усталари (шолдўзлар), заргарлар, этиқдўзлар (музэдузон), кафзи дузлар (кафшдузон), нонвойлар (хаббозон), чармдўзлар (даббаг), тикувчилар (хаёт), дурадгорлар (нажжорон), темирчилар(оҳангарон), сарофлар(саррожон), ер ости ариқларини ковловчилар(каҳризкорон), қизил моллар билан савдо қилувчилар (баззозон), совунфурушлар ва бошқалар мавжудлигини санаб ўтади. Ҳамдаллаҳ Казвийининг гапига кўра, шайх муридлари орасида қудратли шахслар ҳам санаб ўтиладиган бўлган эди: тарихчи вазир Рашидиддин, унинг ўғиллари бўлган вазир Фиёсиддин Муҳаммад Рашидий ва амир Аҳмад Рашидий, улус амири бўлган Чобон (кўчманчи мўғул қабиласи бўлган сулдузнинг бошлиfi),

муғул хонининг ўзи илхон Абу Сайид Баҳодирхон (хукмронлиги йиллари 1316-1335).

## **ХУЛОСА**

Фазлаллоҳ ибн Рузбеконнинг хабар беришича, шайхни Тальш вилоятининг амирлар, Рум(Кичик Осиё) нинг улуғ кишилари (Кубаро) қўллаб-қуватлар эдилар. Шайхнинг Гилон, Рум, Исфахон, Шероз ва бошқа жойларда муридлари бор эди. Шайхни худди унинг устози шайх Зоҳид каби авлиё ҳисоблаб, кўплаб мўжизалар кўрсатганлигини (жумладан, денгизда савдогарларни хавф-хатардан қутқарганлигирни) ривоят қиласар эдилар.<sup>13</sup>

“Сафват ас-сафо”да ёзилган маълумотларга қараганда бошида шайх Сайфиддинда факат бир жуфт ер бўлган (хўқиз билан омочда экиладиган ер) ва у ўша ердан олинган ҳосил билан тирикчилик қилган. Аммо ҳаётининг охирларида 20 дан кўп қишлоқларда хусусий мулки бўлиб, уларни феодаллар унга бағищлаганлар. Улардан олинадиган ҳосилни у ўз васиятида хонақоҳига вакф қилиб берган. Шайх Сайфиддиннинг ворислари сафавия тариқатининг “авлиёлари” сифатида унинг авлодлари шайх Сайфиддин Мусо (1334-1392/Зий.), шайх Хожа Али (ёки Султон Али, 1392/3-1429й.) Ардабилда яшадилар. Улар катта обрўга эга бўлдилар, аммо дунёвий ҳокимиятга эга эмас эдилар. XIV-асрнинг охирлари ва XV асрнинг бошларида Ардабилнинг хукмронлари кўчманчи туркларнинг жагирлу қабиласидан бўлган амирлар эдилар. Сафавийлар қачон ва қандай қилиб Ардабилнинг хукмронлари бўлиб қолганликлари манбалардан маълум эмас. Афтидан, Сафиддин эвараси шайх Иброҳим Шайхшоҳ (1429-1447 йй.) амалда Ардабилнинг хукмдори эди.

## **REFERENCES**

1. Пишвойи дарвешон Ҳасанийа (Давлатшоҳ Самарқандий, 282-бет )Шайх Ҳасан Журий 1342-йилда Зове яқинидаги жангда Ҳирот малики қўшинлари томонидан ҳалок бўлган эди.
2. Хофизи Абрў, тарихий асар, қўлёзма, л.480 а.
3. Хофизи Абрў, географияга доир асарлар, қўлёзма, л.242б.
4. И.П.Петрушевский.Городская знать в государстве Хулагуидов (Хулагулар давлатида шаҳар асилзодалари), стр.104.

<sup>13</sup> Каранг: И.П.Петрушевский.Городская знать в государстве Хулагуидов (Хулагулар давлатида шаҳар асилзодалари), стр.104.